

† Anno dominice Incarnationis Millesimo ducentesimo septuagesimo Quarto. Regnante domino nostro Karulo dei gratia illustrissimo Rege sicilie *etc.* ac Romani imperii in tuscia per Sanctam Romanam ecclesiam vicario generali. Regni vero eius anno nono feliciter amen. Mense septembris quintodecimo eiusdem secunde Indictionis. Apud Calvellum. Ego Iacobus de forraro Baiulus calvelli Iordanus de sancto antonio eiusdem terre Iudex. et Guillelmus eiusdem terre notarius totaque Universitas ipsius congregata (*sic*) in unum facientes quoque ad Mandatum Egregii viri domini Alfanti de santo amantio Regii Iustitiarum Basilicate per licteras nobis factum. de mictendis duobus sindicis universitatis nostre sub pena quinquaginta unciarum auri ad Nobiles viros dominum Bonum Consilium et de Caro et socios distributores statutos pro parte Regie Curie in Iustitierato Basilicate super Regia nova denariorum Moneta imposita. per regiam curiam singulis terris eiusdem provincie et recipiendis quantitate ipsorum denariorum contingentem universitatem ipsam prout in cedula. exinde confecta plenius continetur. Eligimus Guillelmus de giusullo (?) et Iordanum de Magistro Riccardo. concives nostros et Sindicos nostros de Melioribus fidelioribus et dictioribus. eiusdem terre ad recipiendam quantitatem dictorum novorum denariorum contingentem universitatem eandem promictentem eisdem ratam et firmam habere omnem obligationem promissionem et convenientiam quas iidem syndici nostri cum eisdem distributoribus pro parte universitatis nostre duxerint faciendam. obligantes nos universitatem eandem et singulos de eadem universitate sub [ypot]heca. omnium bonorum nostrorum universitatis ipsius et singulorum de eadem universitate sub peculio (?) eiusdem prout omnia dicta sunt totaliter adimplere tamquam si nos ipsi presenti essemus. Unde ad futuram memoriam et tam Regie curie quam predictorum distributorum. cautelam. presens publicum Instrumentum sindicatus ipsis